

Èkwo k'èbo, Jónu deru

¹ Èkwo-ozi ọwaa shi l'èka mubẹ onye e meru ọgurenya chọchi. Onye mu ede iya anụ bụ eze-nwanyi ono, Nchileke fọtaru ono yẹle ndibe iya. Eze-nwanyi ono yẹle ndibe iya bẹ mu yeru obu; okfu lẹ mu l'ẹphe tūkowa bya amaru ọkpobe okfu ono. Ẹ tọ kwa mbẹdua nkịnyi mu yeru ẹphe obu ọbu. Iphe bụ ndu mawaru ọkpobe okfu ono bẹ yekotakwaruphu ẹphe obu. ² Iphe kparu iphe ayi yeru iya obu ẹge ono bụ l'ọkpuberu okfu ono buwa ayi ebubu l'ẹhu. Yọ bụru ẹge ono bẹ oo-buwaruru; swiru ayi gbururu jeye lẹ tutu yoyo.

³ Tẹ Nchileke, bụ Nna yẹle Nwa iya; mbụ Jisọsu Kuráyisutu meeru ayi eze-iphe-ọma; phọaru ayi imiko; mee tẹ nchị dụ ayi ndo; t'ayi gude ire-lanụ; mẹ n-yemobu tųgbabe bụru nanụ ẹge ayi tųgbaberu.

Ọkpobe okfu; mẹ n-yemobu

⁴ Ẹhu tsọru mu ẹna nshinu lẹ mu haru phụa ndibe ngu ndu ọphu eme ọkpobe okfu ono ẹge Nna sọru t'ayi meje iya. ⁵ Nta-a bụ iphe mu arọ nggụbe eze-nwanyi bụ t'ayi yeru ibe ayi obu. Ẹ tọ bụkwa lẹ mu ederu ngu ekemu ọphungu; gbahaa ono, ayi natahawaru shitakpooru lẹ mbụlembu ono, bụ iya bụ t'ayi yeru ibe ayi obu. ⁶ Iphe bụ n-yemobu ndọ-ọ: bụ t'iphe ayi e-mejekpelephu jeye teke ayi a-nọ-bebe ndzụ lẹ

mgboko-a bujeleruphu iphe Nchileke sūru t'e meje. Iphe obu, Nchileke sūru t'e meje obu abulekwaruphu ekemu ono, unu shi l'odungu nūta ono, bu iya bu t'unu yeru ibe unu obu.

⁷ Ndu egudeje ẹregede; duswee madzū ūzo wufutaakwaru dzuru ẹkemeke obule le mgboko; mbū ndu jikaru le Jisosu byaruphu bya aburu madzū l'oswiya le mgboko-a. O bu egbe onye ono egudeje ẹregede; duswee madzū ūzo; buru egbe onye ono bu O-chi-nta Kuráýisutu obu. ⁸ Iphe unu a-kwabeleruphu ẹnya iya bu t'unu be eme t'iphe ono, unu jeru ozi iya ono nahū unu tufahu ke mmakanū. Unu kwaberu onwunu ẹnya; k'ophu unu a-natadzu obunggo unu anatadzu.

⁹ Iphe bu onye l'eme iphe odo l'atukobe l'ophu Kuráýisutu ziru; too me iya ẹge o ziru iya; onye ono ta bukwa onye yele Nchileke tugbaberu buru nanū. Onye emekwanu iphe ono, Kuráýisutu ziru ono; l'emele iya phū ẹge o ziru iya; onye ono be yele Nchileke; me Nwa iya, bu Jisosu tugbaberu buru nanū. ¹⁰ O -nweru onye byakfutaru unu; ophu 'o budu iphe ono, e ziru ayi ono b'o gude bya; unu be ekwekwa t'o yeru unu ishi l'ulo; unu ba ajjekpokwaa ya nū m'o bu: ?i dūphu mma? ¹¹ L'onye aji iya ?i dūphu mma? be yele iya duakwa ẹbo; gbaru l'ejo iphe oome.

¹² Mu nweru igweligwe iphe mu gage ederu unu. Obenu l'ẹ tō budu ẹkwo yele mini-ẹkwo be mu e-gude dekotaru iya unu. Iphe mu gbe ari bu le mu e-gbe kpakfuta unu; ayi l'unu ekfugbawaru

l'ifu l'ifu; k'ophu ẹhu a-tsokwanu ayi ẹna; tsọfu
iya ayi l'ishi.

¹³ Ọnwegirima nwanna ngu nwanyi, bọ onye
Nchileke fọtaru ekelekwá ngu phọ.

Bayiburu Ikwo
Ikwo: Bayiburu Ikwo Bible

copyright © 2014 Wycliffe Bible Translators, Inc.

Language: (Ikwo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

3867ef4e-3384-5ab4-a937-63476bb8a7bb